



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 5. De Apostasia à fide,

[urn:nbn:de:hbz:466:1-78477](#)

tinere: alterum detestationem & anathematizationem sui erroris iuramento fiantam: alterum, promissione, iuramento etiam firmatam, non relabendi in hæresim: sed retinendi illibate fidem Catholicam iuxta formam abiurationis quæ habetur 1. quæst. 7. cap. Quoties 1. in quo etiam si videatur sermo esse tantum de Episcopis, a doctotibus tamen ad alios hæreticos extenditur, congrueret cap. Ego Berengarius De conse^{ct}. distinet. 2. sit vero talis abiuratio: tum vt hæretici ostendant se sincere, non autem si hæretici redire ad Ecclesiam: tum etiam ne ipsi facile relabantur.

Secundo facta abiuratio hæreticus debet prius absoluvi ab excommunicatione ob hæresim incursa, quam sacramentaliter ob ipsa hæresi, & ab alijs peccatis absoluuntur: quia excommunicatione impedimentum est, solutioⁿis sacrametalis, prout expositum est in fine præcep. lib. 6. Debet tertio absolucione ipsa ab excommunicatione dari, quantum fieri potest secundum formam à iure præscriptā. Debet demum eidem hæretico imponi pœnitentia & fastigatio, & simulin iungitalia nonnulla. Vide antedicta in libro nostro cap. 4. Ceterum hæreticus absolutus ab excommunicatione, hæresi, & peccatis, manet adhuc subiectus alijs pœnis Ecclesiastica: nempe irregularitati & inhabilitati ad officia & beneficia Ecclesiastica. Vnde si vult ab his liberari, debet petere dispensationem à Summo Pontifice: vel ab alio cui ille dispensandi potestatem commiserit.

C A P. V.

De Apostasia à fide.

S V M M A R I V M.

72 Definitio Apostasia, & quomodo hec ab heresi differat.

73 Apostasia à fide subiicit ipsis penitentiis quibus hæreticus.

74 Præter Apostasiam à fide constituantur Apostasia ab ordine, & Apostasia à religione, cum quibus communicans in nomine non communicat in aliqua genericaratione.

DE Apostasia à fide mentio habetur 2. quæstion. 7. cap. Non potest 11. quæst. 3. cap. Julianus & 26. quæst. 7. cap. Non obseruetis & in Gregorij Decretalib. habetur titulus, De Apostatis, v. & in Iustinianeo Codice: aguntque de ea D. Thomas & interpres ipsius 2.2. quæst. 12. ac Summulari in verbo Apostasia. Definiri autem potest, error hominis Christiani ex toto contrarius fidei Catholicae.

72. In qua definitione pars illa, ex toto, Apostasiam ab hæresi (cui cetera conueniunt) distinguit: quæ distinctione essentialis sit, duas diueras species constituens: an tantum accidentalis, vt solummodo in penes maius & minus: sicut rapina partis & rapina bonorum omnium; aliqua controversia est: quæ disputant Banes ad art. 1. citatae quæst. 12. & Gregorius à Valen. Disp. 1. quæst. 11. puncto 1. ac Thomas Sanchez in opere morali libr. 2. cap. 7. num. 16. & 17. Sed nobis sufficit aduertere quod idem Gregorius notat; extra controversiam esse debere, quod Apostasia moraliter loquendo, adeo ab hæresi differat ut necessario sit in confessione declaranda: non solum quia intra eamdem speciem multo grauior est, quam hæresis: sed etiam quia ordinarie includit aliquam aliam infidelitatis speciem: nempe Iudaismum, aut paganisum, ad quem Apostasias converterit. Nam duo in Apostasiam notantur: vnum est quod Apostata penitus recedat à fide: alterum quod conuertatur ad aliquam secundum superstitionem: quorum illud est censuale Apostasia, cum absq; eo necesse nec concipi possit; hoc vero accidentale tantum, cum possit aliquis fidem quam professus est omnino defuisse, absque eo quod conuertatur ad secundam superstitionem: quod ipse quoque Gregorius annotat in leg. q. 12. punct. 1.

73. Ceterum eadem pœnae sunt decretae Apostatis, quæ hæreticis, vt communiter notant Summulari in verbo Apostasia: & patet ex cap. Contra Christianos De hæreticis in 6. veruntamen cum triplex sit Apostata: vnu mente

tantum & interior alter exterior tantum & factio: tertius interior & exteri or simul: scilicet de hæretico dictum est, solus Apostata tertij generis incurrit tales pœnas, etiam si Ecclesia ex fictione iuris & presumptione, possit procedere contra Apostatas secundi generis, si se de eiusmodi crimen purgauerint.

Præter hanc Apostata speciem duæ aliæ ponuntur: vna ab ordine, altera à religione, seu statu religioso: ponuntur inquam non quidem habita ratione communionis in aliquo genere, cum iste non sint, vt illa species infidelitatis, sed habita ratione vocis. Dicitur enim Apostata ab aliquâ, quod est retrocedere: atque vt ille qui primo fidelis fuit, recederet à fide ad paganismum vel Iudaismum, Apostata dicitur: sic etiam dicitur ille qui cum sit initiatus sacro ordine, ab eiusdem ordinis statu, autoritate propria recedit ad vitam omnino laicalem: vel ducento vix rem vel assumendo statum reprobantem statui Clericalis, vt censor statutus militaris. Dicitur item ille qui à Religione quam solem patet vobis, recedit autoritate propria, ad vitam laicularem. De quibus differere non est huius loci: sicut Bannes 2.2. quæst. 12. art. 1. corum explicacionem, explicacione eius de qua differimus coniungere voluerit: doctrinam notatu dignam adserens.

74.

T R A C T A T U S II.

De spe & ei contraria.

SPES fidei proxime subiungimus, eam charitatib; antepontentes ordine naturæ, quo prior est, cum possit sicut fides sine charitate esse, non item charitas sine ea: Ordine vero dignitatis eam antepontentes ceteris, quas ad primum Decalogi præceptum pertinere diximus: quoniam etiâ ex virtutibus Theologicis, omnium præstantissimis. Primum autem notandum est, nomen spei primo impositum esse ad significandam affectionem appetitus sentientis; ita affinem amoris & desiderio, vt cum ille sit absolute inclinatio in bonum, & hoc inclinatio in bonum absens facile: spes in inclinatio in bonum absens difficile: quod tamen obtineri possit. Non enim speramus bonum præsens, sed amorem: nec item speramus bonum facile absens; sed desideramus: & bonum impossibile non pertinet ad voluntatem.

Ex ea vero acceptione id ipsum nomen translatum est ad eam de qua hic agere instituimus Theologicam virtutem, non sine ratione: quia vt spes appetitus sentientis, requirit primo, bonum sensibile apprehensum: secundo, bonum absens: tertio, difficile: quarto, possibile: quinto, ut appetitus ipse sentiens, quodam animi vigore, & impulsu feratur ad tale bonum consequendum, ex D. Thom. 1.2. quæst. 25. art. 1. sic etiam propterea quadam spes quæ virtus est Theologica idem requirit. Nam fertur in bonum spiritale & æternum; quod est Deus vitaque eterna, per fidem apprehensum: illudque tum absens, tum etiam difficile (quendam arduum est consequi vitam eternam) possibile: tamen: ut enim æterna potest obtineri ex Dei gratia & misericordia, nostra cooperacione interueniente per bona opera: ac demum est cum quodam animi vigore, & impulsu. De ea autem sufficit ad nostrum institutum explicare tum illius definitionem & præceptum: tum virtus opposita: quæ sunt desperatio illi opposita per defectum: & presumptione eidem opposita per excessum.

C A P. VI.

De definitione & præcepto spei.

S V M M A R I V M.

75 Definitio spei cum explicatione.

76 Spei comparatio cum fide, & cum charitate.

77 Daripræceptum diuinum de spe, quod est affirmatum de se, & includit negatum.

78 Ut affirmatum est, pro quo tempore obliget.